

28. april 2017

UPA 2017/126

Meeqqaqut atuartunut perorsaanikkut inerikkiartuutaasumik sunngiffimmi neqeroorutit pi-llugit inatsisartut inatsissaat nr.xx,xx,xxx 2017-imeersoq.

(ilinniartitaanermut,kultureqarnermut,ilisimatusarnermut ilageeqarnermullu naalakkersuisoq)

Naalakkersuisut inatsisissatut saqqummiussaat Siumumiit ima oqaaseqarfingissavarput.

Inatsisissaq saqqummiunneqartoq annertuumik suleqatigiissutaasimavoq misissuinerillu annertuut qulequuttami pineqartut sumiiffinni ataasiakkaani qulaajaaffigineqarsimallutik. Taamaappoq aamma sumiiffinni atugassarititaasut sumiiffimmuit sumiiffimmut allanngoraqisut eqqarsaatigissagaanni, tamannalu aamma pingaartillugu Kommunet ataasiakkaat pisariaqartitaasa kissaataasalu matumani eqqumaffigineqarlutik pingaartinneqarsimancerat nuannaarutissaasoq oqaatigissavarput.

Inatsisissatut siunnersutigineqartumi siunertarineqarpoq meeqqat suli atualinngitsut atualernissamut piareersarneqarlutik perorsaanikkut inerikkiartuutaasumik sunngiffimmi neqeroorfigineqartnissaat.

Inatsisissatut siunnersuummi § 1. Imm.3. paarsisarnermik aaqqissuussinermiit atualernissamut ikaarsaartarneq oqinnerulersinniarlugu, perorsaanikkut inerikkiartuutaasumik sunngiffimmi neqeroorutit inatsit manna naapertorlugu meeqqaqut suli atualinngitsunut neqeroorutigineqarsinnaapput, atualernissaq ukiup affaa sioqquillugu, tamatumani aamma meeqqat suli 6-inik ukioqalinngitsut eqqarsaatigineqarlutik.

Pingaartinneqarpoq perorsaariatsinik piumasaqaateqassasoq, maluginiarneqartariaqarporlu sumiiffinni ataasiakkaani nukissat assigiinngissinnaanerat soorluttaaq tamanna aamma eqqumaffigineqarsimasoq.

Pingaartinneqarpoq perorsaanikkut inerikkiartornerup pitsaanerpaaaffissaminiinnissaa tamannalu aamma inerisarneqartuarluni aqqtissiuunneqassasoq.

Inatsisissatut siunnersuut eqaatsumik periarfissiivoq sumiiffinni ataasiakkaani piariaqartitsinerit aamma nukissat assigiinngissinnaaneri aallaavigalugit perorsaanikkut inerikkiartuutaasumik sunngiffimmi inatsit manna aqqutigalugu periarfissiissasoq.

Siumumiit pingaartutut isigaarpuit kommunini pissutsit assigiinngissinnaanerat eqqumaffigineqassasoq, taamaattorli siunertaasoq tamanut ersarissoq tassaavoq; meeqqanut suli atualinngitsunut perorsaanikkut inerikkiartuutaasumik sunngiffimmi neqeroorutit pillugit inatsisartut inatsisaatigut pitsaanerpaamik anguniagaqarnissaq periarfissinneqassamat.

Meeqqanut atuartunut perorsaanikkut inerikkiartuutaasunik sunngiffimmi neqeroorutit pillugit inatsisartut inatsisissaattut siunersuut taperserlugu Ilanniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliami aappassaaneerneqartinnani suliarineqarnissaa inner-suupparput.

Vivian Motzfeldt

Siumut